

Na osnovu člana 90. Zakona o javnim nabavkama Bosne i Hercegovine ("Službeni glasnik BiH", br. 39/14, 59/23 i 50/24), a nakon provedenog postupka nabavke putem direktnog sporazuma za pružanje molerskih usluga, zaključen je:

U G O V O R **za pružanje molerskih usluga**

Ugovorne strane:

- 1. Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktorica Elvira Habota, (u daljem tekstu: Ugovorni organ)**
- 2. "SPEKTAR" o.d. vl. Musić Emir, ulica Trg nezavisnosti broj 23, koju zastupa vlasnik obrta Musić Emir (u daljem tekstu: Pružalac usluga)**

Član 1.

- 1) Predmet Ugovora je pružanje molerskih usluga u dijelu prizemlja zgrade Direkcije za evropske integracije, na adresi Đoke Mazalića broj 5, Sarajevo, po ukupnoj cijeni ponude Pružaoca usluga u iznosu od 4.165,98KM bez PDV-a.
- 2) Predmetne usluge obuhvataju pripremu podloge i krečenje 6 (šest) kancelarija Direkcije za evropske integracije i to kancelarije od broja 005 do broja 010, prostoriju recepcije i 2 (dva) hodnika u prizemlju što je ukupno 694,33 m².
- 3) Pružalac usluga u ukupnu cijenu svoje Ponude od dana 05.08.2025. godine uključio je sav potreban materijal (glet masa, šmirgla, boje, prajmeri ako su potrebni), alate i pribor (ručne ili mašinske), zaštitnu opremu i svu potrebnu radnu snagu i obradu površina.
- 4) Sastavni dio ovog Ugovora je Ponuda Pružaoca usluga od dana 05.08.2025. godine.

Član 2.

- 1) Pružalac usluge obavezuje se da će zaštititi sve površine uključujući podove, stolariju, prozore, vrata, sanitarije, police, namještaj i druge elemente u prostorijama dogovorenim za krečenje.
- 2) Zaštita mora biti izvršena odgovarajućim materijalima: zaštitnim papirom, PVC folijama i/ili krep trakom, u zavisnosti od vrste površine i stepena izloženosti.
- 3) Nakon završetka krečenja, pružalac usluge dužan je pažljivo ukloniti svu zaštitu bez oštećenja zaštićenih površina.
- 4) Pružalac usluge se obavezuje da će prilikom sanacije oštećenja na zidovima i plafonima izvršiti prorezivanje pukotina, struganje starih i oštećenih slojeva boje, uklanjanje fleka i drugih nepravilnosti te nanošenje glet mase na sljedeći način:
 - prvi sloj (2–3 mm): ravnomjerno nanošenje bez linija i zadebljanja;
 - sušenje i šmirglanje finom šmirglom;
 - drugi sloj (do 2 mm): ponovno šmirglanje;
 - treći sloj (po potrebi): završna obrada finom šmirglom;
 - površine moraju biti glatke i spremne za krečenje.
- 5) Pružalac usluge obavezuje se da će krečenje unutrašnjih horizontalnih i vertikalnih površina izvršiti primjenom visokokvalitetne boje za unutrašnje radove.
- 6) Pružalac usluge će bojenje zidova izvesti u najmanje dva sloja, poštujući vrijeme sušenja prema tehničkim uputama proizvođača boje (Jupol ili ekvivalent).
- 7) Pružalac usluge obavezuje se da će završni sloj boje na zidovima biti nanesen bez tragova alata i pribora, ujednačen po boji, bez mrlja, ravno i precizno izveden uz sve ivice, prekidače, utičnice i slično.
- 8) Kontakt osobe sa Pružaocem usluga tokom izvođenja radova ispred Ugovornog organa su Džana Sokolović kontakt telefon 033 255 350.

Član 3.

- 1) Pružalac usluga obavezuje se da će pružanje molerskih usluga započeti u ponedjeljak, 11.08.2025. godine u periodu od 08.00 do 16.00 sati.

- 2) Rok za izvršenje predmetnih usluga iznosi 10 (deset) radnih dana.
- 3) Dinamika izvođenja radova bit će utvrđena na licu mjesta.
- 4) Ukoliko dođe do promjene u opisu pozicije ponuđene u ponudi Pružaoca usluga, bilo iz razloga nemogućnosti izvođenja tog dijela posla, Pružalac usluga je dužan odmah obavijestiti Ugovorni organ. Također, Pružalac usluga će dostaviti alternativno rješenje za tu poziciju sa novom cijenom koštanja. Taj rad će se tretirati kao naknadni rad.
- 5) Krajnji rok za završetak ugovorenih molerskih usluga može se produžiti isključivo zbog vanrednih okolnosti, odnosno nastanka više sile koje se nisu mogle predvidjeti u trenutku zaključenja ugovora. Produženje roka bit će odobreno za onoliko vremena koliko je trajao uticaj više sile, izmjene obima posla ili eventualnih naknadnih radova.

Član 4.

- 1) Pružalac usluga se obavezuje da će poštovati kućni red u objektu u kojem obavlja poslove, neće proizvoditi nepotrebnu ili neuobičajnu buku, svjetlost, toplotu i sl., te će obavještavati Ugovorni organ o svim drugim okolnostima bitnim za izvršavanje poslova predviđenih ovim Ugovorom.
- 2) Pružalac usluga odgovara za štetu nastalu usljed nepažnje ili nesvjesnog rada bez obzira da li je ista nastupila radom Pružaoca usluga ili osobe koje je isti angažovao radi obavljanja poslova utvrđenih ovim Ugovorom.
- 3) Pružalac usluga se obavezuje da će da koristi HTZ opremu i poštuje propise zaštite na radu.

Član 5.

- 1) Pružalac usluga se obavezuje na nepromjenjivost ponuđene cijene tokom cijelog ugovornog perioda.
- 2) Ugovorni organ će platiti ispostavljenu fakturu za izvršene usluge propisanim platnim nalogom za plaćanje u roku od 15 dana od dana dostave fakture.
- 3) Plaćanje će se izvršiti iz sredstava projekta P – 360.

Član 6.

- 1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 30.09.2025. godine.
- 2) Odredbe ovog Ugovora se ne mogu mijenjati nakon njegovog zaključenja.
- 3) Ugovor se raskida pismenom izjavom koja se dostavlja drugoj ugovornoj strani. U izjavi mora biti naveden razlog zbog kojeg se ugovor raskida.
- 4) Ako ugovorne strane sporazumno raskinu ugovor, tim sporazumom regulisati će se sva pitanja nastala povodom njegovog raskida.

Član 7.

- 1) Na pitanja koja nisu uređena ovim ugovorom primjenjuju se odredbe Zakona o obligacionim odnosima.
- 2) Eventualno nastale sporove pri realizaciji ovog Ugovora ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 8.

Ovaj ugovor je sačinjen u četiri (4) istovječna primjerka, pri čemu svaka ugovorna strana zadržava po dva (2) primjerka.

Pružalac usluga

Vlasnik obrta

Musić Emir

Spektor
VI. Musić Emir
Broj: Sarajevo, Trg nezavisnosti 23
Datum, 08.08.2025.



Ugovorni organ

Direktorica

Elvira Habota

08-08-2025
Broj: 05-JNA-16-5-TB-64/25
Datum, 11-08-2025
C. D.